

水經卷三十三

漢桑欽撰

後魏酈道元注

江水一

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼外
江水所導也益州記曰大江泉源即今所開始發羊
膊嶺下緣崖散漫小大百數殆未濫觴矣東南下百
餘里至白馬嶺而歷天彭關亦謂之爲天谷也秦昭
王以李冰爲蜀守冰見氏道縣有天彭山兩山相對
其形如闕謂之天彭門亦曰天彭關江水自此已上
至微弱所謂發源濫觴者也漢延平中岷山崩壅江

水三日不流揚雄反離騷云自岷山投諸江流以弔
屈原名曰反騷也

江水自天彭關東逕汶關而歷氏道縣北

漢武帝元封四年分蜀郡北部置汶山郡以統之縣
本秦始皇置後爲升遷縣也益州記曰自白馬嶺回
行二千餘里至龍涸又八十里至西陵縣又南下六
十里至石鏡又六十餘里而至北部始百許步又西
百二十餘里至汶山故郡乃廣二百餘步又西南百
八十里至濕阪江稍大矣故其精則井絡纏曜江漢
眇靈河圖括地象曰岷山之精上爲井絡帝以會昌
神以建福故書曰岷山導江泉流浚遠盛爲四瀆之

首廣雅曰江貢也風俗通曰出珍物可貢獻釋名曰江共也小水流入其中所公共也東北百四十里崆山中江所出東注於大江崆山邛崆山也在漢嘉嚴道縣一曰新道山南有九折阪夏則凝冰冬則毒寒王子陽按轡處也平恒言是中江所出矣郭景純江賦曰流二江於崆崆又東百五十里曰崆山北江所出東注於大江山海經曰崆山江水出焉東注大江其中多怪蛇江水又逕汶江道汶出徼外崆山西玉輪阪下而南行又東逕其縣而東注於大江故蘇代告楚曰蜀地之甲浮船於汶乘夏水而下江五日而至郢謂是水也

又有湔水入焉

水出縣道亦曰縣夸縣之玉壘山呂忱云一曰半浣

水也下注江

縣夸字誤按漢志蜀郡有縣虎縣注云玉壘山湔水所出東南至江陽入江應

劬曰虎音斯

江水又東別爲沱

開明之所鑿也郭景純所謂玉壘作東別之標者也縣即汶山郡治劉備之所置也渡江有笮橋

江水又歷都安縣

縣有桃關漢武帝祠李冰作大堰於此堰於江作壩

壩有左右口謂之湔壩江入郫江檢江以行舟益州

記曰江至都安堰其右檢其左其正流遂東郫江之

右也因山頽水坐致竹木以溉諸郡又羊摩江灌江
西於玉女房下作三石人於白沙郵郵在堰官上立
水中刺要江神水竭不至足盛不沒要是以蜀人旱
則藉以爲溉雨則不遏其流故記曰水旱從人不知
饑饉沃野千里世號陸海謂之天府也俗謂之都安
之堰亦曰湔堰又謂金隄左思蜀都賦云西踰金隄
者也諸葛亮北征以此堰農大

一作本

國之所資以征

丁千二百人主護之有堰官益州刺史皇甫晏至都
安屯觀阪從事何旅曰今所安營地名觀阪自上觀
下反上之象其徵不祥不從果爲牙門張弘所殺江
水又逕臨邛縣王莽之監邛也縣有火井鹽水昏夜

之時光興上照

華陽國志作光映上照

江水又逕江鄉縣王莽

夏名邛原也鄴江水出焉江水又東北逕郫縣下縣

民有姚精者爲叛夸所殺掠其二女二女見夢其兄當以明日自沈江中喪後日當至可伺候之果如所夢得二女之尸於水郡縣表異焉江水又東逕成都縣縣以漢武帝元鼎二年立縣有二江雙流郡下故揚子雲蜀都賦曰兩江珥其前者也風俗通曰秦昭王使李冰爲蜀守開成都兩江溉田萬頃神歲取童女二人爲婦冰以其女與神爲婚徑至神祠勸神酒酒桮恒澹澹冰厲聲以責之因忽不見良久有兩牛鬪於江岸旁有間冰還流汗謂官屬曰吾鬪疲極當

相助也南向腰中正白者我綬也主簿刺殺北面者
江神遂死蜀人慕其氣凌凡壯健者因名冰兒也秦
惠王二十七年遣張儀與司馬錯等滅蜀遂置蜀郡
焉王莽改之曰導江也儀築成都以象咸陽晉太康
中蜀郡爲王國叟爲成都內史益州刺史治地理風
俗記曰華陽黑水惟梁州漢武帝元朔二年改梁曰
益州以新啓犍爲牂牁越巂州之疆壤益廣故稱益
云初治廣漢之雒縣後乃徙此故李固與弟囡書曰
固今年五十七鬢髮已白所謂容身而遊滿腹而去
周觀天下獨未見益州耳昔嚴夫子常言經有五涉
其四州有九遊其八欲類此子矣初張儀築城取土

處去城十里因以養魚今萬頃池是也城北又有龍
隄池城東有千秋池西有柳池西北有天井池津流
徑通冬夏不竭西南兩江有七橋直西門郛江冲里
橋西南石牛門曰市橋吳漢入蜀自廣都令輕騎先
往焚之橋下謂之石犀淵李冰昔作石犀五頭以厭
水精穿石犀渠於南江命之曰犀牛里後轉犀牛二
頭在府中一頭在市橋一頭沈之於淵也大城南門
曰江橋橋南曰萬里橋上曰夸橋下曰荅橋南岸
道東有文學始文翁爲蜀守立講堂作石室於南城

求初

舊水經作永年華陽國志作永初宋本作永平

後學堂遇火後守賈增

二石室後州奪郡學移夸里道西故錦官也言錦工

織錦則濯之江流而錦至鮮明濯以沱江則錦色弱
矣遂命之爲錦里也蜀有迴復水江神常溺殺人文
翁爲守祀之勸酒不盡拔劒擊之遂不爲害江水東
逕廣都縣漢武帝元朔二年置王莽之就都亭也李
冰識察水脈穿縣鹽井江西有望穿鑿山渡水結諸
陂池故盛養生之饒即南江也又從沖里橋北折曰
長升橋城北十里曰升遷有送客觀司馬相如將入
長安題其門曰不乘高

華陽國志作赤

車駟馬不過汝下也

後入邛蜀果如志焉李冰泐水造橋上應七宿故世

祖謂吳漢曰安軍宜在七

連星間

華陽國志云安軍宜在七星間

漢自廣都乘勝進逼成者與其副劉尚南北相望爽

江爲營浮橋相對公孫述使謝豐揚軍市橋出漢後
襲破漢墜馬落水緣馬尾得出入壁命將夜潛渡江
就尚擊豐斬之於是水之陰江北則左對繁田文翁
又穿湔湫以溉灌繁田一千七百頃江水又東絕縣
洛逕五城界至廣都北岸南入於江謂之五城水口
斯爲北江水又東至南安爲壁玉津故左思云東越
玉津也

又東南過犍爲武陽縣青衣水洙水從西南來合而注
之洙水當作洙水

縣故大夜郎國漢武帝開之置以爲縣太初四年益
州刺史任安城武陽建元年置王莽更名西順縣

曰戢成光武謂之士大夫郡

華陽國志曰賈始時健為遠奉貢職及公孫述

有蜀郡拒守述伐之郡功曹朱遵逆戰死之而任君業閉戶費貽素隱光武嘉之曰士大夫之郡也有

鄴江入焉出江源縣首受大江東南流至武陽縣注

於江縣下注上舊有大橋廣一里半謂之安漢橋水

盛歲壞民苦治功後太守李嚴鑿大杜山

華陽國志作天社山

尋江通道此橋遂廢縣有赤水下注江建安二十九

年有黃龍見此水九日方去此縣藉江為大堰開六

水門用灌郡下北山昔者王喬所升之山也

華陽國志健為

東接江陽南接朱提北接蜀郡西接廣漢王喬升其北山彭祖家其彭澤江水又與文井

江會李冰所導也自荅道與濛谿分水至蜀郡臨邛

縣與布僕水合水出徼外成都西沈黎郡漢武元封

四年以蜀都西部邛笮邛理旄牛道天漢四年置都

尉主外羌在邛來山表自蜀西渡邛笮其至險有弄

棟八度之難揚母閣路之阻水從縣西布僕來分爲

二流一水逕其道又東逕臨邛縣入文井水文井水

又東逕江都縣縣濱文井江江上有長隄隄跨四十

里有朱亭亭南有青城山玉匣經云青城山黃帝封岳再朝六時洒泉以代晷漏在岷山之南一月之內羣

峰掩映互相連撞虛無所宅祥異則多山上有嘉

穀山下有蹲鴟即芋也所謂下有蹲鴟至老不饑卓

氏之所以樂遠徙也文井江又東至武陽縣天社山

下入江其一水南逕越嶲邛都縣西東南至雲南郡

之蜻蛉縣郡本雲山華陽國志作川地也蜀建興三年置僕

水又南逕永昌郡邪龍縣而與貪水合水出蜻蛉縣

上承蜻蛉水逕葉榆縣又東南至邪龍入於僕僕水

又逕寧州建寧縣州故庾降都督屯故南入謂之屯

下劉禪建興三年分益州郡置歷雙柏縣即水入焉

水出秦藏

前漢地志作臧

縣牛蘭山南流至雙柏縣東注僕

水又東至來唯縣入勞水水出徼外東逕其縣與僕

水合僕水東至交州交趾郡薨冷

一作陵

縣南流入於

海江水自武陽東至彭亡聚昔岑彭與吳漢滯江水

入蜀軍次是地知而惡之會日暮不移遂爲刺客所

害亦謂之平謨水曰外水此地有彭冢言彭祖冢焉

江水又東南逕南安縣西有熊耳峽連山竟險接嶺

爭高漢和平中山崩地震江水逆流縣旣有灘名壘

坻亦曰監旣李冰所平也華陽國志南安縣郡東四百里治青衣江會縣旣有

名灘一曰雷垣二曰縣治青衣江會衿帶二水矣即

蜀王開明故治也來敏本蜀論曰荆人鼈令死漢志

郡有其尸隨水上荆人求之不得鼈令至汶山下復

生起見望帝望帝者杜宇也從天下女子朱利自江

源出爲宇妻遂王於蜀號曰望帝望帝立以爲相時

巫山峽而蜀水不流帝使鼈令鑿巫峽通水蜀得陸

處望帝自以德不若遂以國禪號曰開明縣南有峨

眉山有濛水即大渡水也水發蒙漢東南流與泚水

合水出徼外逕汶江道呂忱曰泚水出蜀許慎以爲

洩水也從水我聲南至南安入大渡水大渡水又東入江故山海經曰濛水出漢陽西入江潯陽西

又東南過熨道縣北若水淹水合從西來注之又東注

水北流注

注水疑誤北流注下當有之字

縣本熨人居之地理風俗記曰夸中最仁有仁道故字從人秦紀謂熨僮之富者也其邑高后六年城之漢武帝感相如之言使縣令南通熨道費功無成唐蒙南入斬之乃鑿石開閣以通南中迄於建寧二千

餘里山道廣丈餘深三四丈其塹

舊本作塹

之迹猶存王

莽霞曰熨治也山多猶猢猻似猴而短足好遊巖樹一

騰百步或三百丈順往倒返乘空若飛縣有蜀王兵

蘭

華陽國志云江有兵欄李冰燒之後漢志云有玉岳蘭

其神作大難江中崖

峻咀險不可穿鑿李冰乃積薪燒之故其處縣巖猶

一有赤白玄黃五色焉赤白照水玄黃從焚來至此而

止言畏崖嶼不更上也

後漢志云越巂舊本有燹人崖有五色赤白映水玄黃魚

從焚來至此而止

益部耆舊傳曰張員妻黃氏女也名帛

華陽

國志云燹道黃帛張貞妻也

員乘船覆沒求尸不得帛至沒處灘

頭仰天而歎遂自沈淵積十四日帛持員手於灘下

出時人爲說曰符有光洛焚道有張帛者也

華陽國志云符

有先絡燹道有張帛江陽郡志內先氏女名絡

江水又與符里水合

水出寧州南廣郡南廣縣縣故犍爲之屬縣也漢武

帝太初元年置劉禪延熙中分以爲郡導源汾關山

北水流有大步

宋本作涉

水注之出南廣縣北流注符里

水又北逕棘道入江謂之南廣口渚水則未聞也

又東過江陽縣南洛水從三危山東過廣魏洛陽南東

南注之

魏當作漢

洛水出洛縣漳山亦言出梓潼縣柏山山海經曰三

危在燉煌南與嶠山相接山南帶黑水又山海經不

言洛水所道經曰出三危山所未詳常璩云李冰道

洛通山水流發暴

一作瀑

口逕什邡縣漢高帝六年封

雍齒爲侯國王著霞名曰美信縣也洛水又南逕洛

縣故城南廣漢郡治也漢高祖之爲漢王也發巴渝